

alde egiñ zuben prest
 panparroi ta parrez,
 esanaz:—Geldi ari
 nai badek negarrez,
 ez diat arloterik
 nai nik nere aurrez—

.
 Aberatsak askotan
 au oi dute egiñ,
 iñoiz arki ezker
 arlotearekiñ;
 mesedeak egiten
 bearrian ekiñ,
 alde egiñ burlazko
 par irri batekiñ.

Subia.

Sube bat sasiyetan
 zebillela estu,
 zuben bere gorputza
 osoro larrutu;
 eta nairik zauriyak
 ark berak sendatu,
 mingañaz igortziten
 bera zan sayatu;
 bañan on bearrian.
 zuben chit pozoiu,
 eta len zeukan bañan
 askoz geigo chartu;
 eta nola baitziyon
 gaitzak indar artu,
 puztuturikan bertan
 ill-ta zan gelditu.

.
 Gure artian ere
 gaitz-enbat danian,
 geroni asten gera

sendatu nayian;
 ¿eta zér da gertatzen?
 jaušen geyenian!
 askoz charrago jarri
 senda bearrian.

Erliak.

Erletegi batian
 erliak lanian,
 ari ziran guztiyak
 alegiñ danian;
 bata bestien urren
 sartu ta atera,
 batzubek lore billa
 bestiak uztera;
 bañan ayen artian
 charra zan bat guztiz,
 etzuben deus egin nai
 bere alperkeriz,
 eta gañerakuak
 ikusirikan au,
 elkar arturik, kolpez,
 eldu ziyoten *rau*;
 eta aiñ aserriak
 egonik guztiak,
 zulaka bertan kendu
 zizkaten estiak.

.
 Mundura lanerako
 geranak jayuak,
 gogoz egiñ zaizkigun
 nork bere sayuak;
 alperra ezin leike
 iñoiz ondo izan,
 baizik gaizki ikusiya
 erle arren gisan.

JOSÉ ARTOLA ETA ELIZECHEA.